

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. प्रधानमंत्री नरेन्द्र मोदी होर अमरीका दे राष्ट्रपति डोनाल्ड ट्रम्प हुंदे कन्नै दपक्खी गल्लबात लेई वाशिंगटन डीसी पुज्जी गे न।
2. केन्द्री मंत्री डाक्टर जीतेन्द्र सिंह होरें जम्मू-कश्मीर दे नौजवानें कन्नै मलाटी करियै स्टार्टअप्स ते उद्यमिता सरबन्धी मौकें बारै उंदे'नै गल्लबात कीती।
3. लेफ्टिनेंट गवर्नर मनोज सिन्हा होरें श्रीनगर च इक उच्ची-सतह दी बैठक लाइयै कश्मीर घाटी च बने दे सुरक्षा हालात दा जायजा लैता ते जम्मू-कश्मीर पुलस ते एहदे होरनें सीगें गी आपूं-चै तालमेल बनाइयै कम्म करदे होई आतंकवाद दा समूलचा नास करने दे निर्देश जारी कीते।
4. जंगलात मंत्री जावेद अहमद राणा होरें कठुआ च आम लोकें तोहड़ी पुज्ज बनाने आहला इक कैप लाइयै लोकें दे मसले हल करने दी सरकार दी वचनबद्धता गी पक्का कीता।

<><><><><><>

PM-US

फ्रांस दे अपने कामयाब दौरै परैन्त, प्रधानमंत्री नरेन्द्र मोदी होर अज्ज बड्डलै मुंह-न्हेरे वाशिंगटन-डीसी पुज्जी गे जि'त्थे ओह् अमरीका दे राष्ट्रपति डॉनल्ड ट्रम्प हुंदे कन्नै दपक्खी

गल्लबात करडन। अमरीका च भारत दे राजदूत विनय मोहन क्वात्रा ते होरनें अधिकारिएं ब्हाई अड्डे पर श्री मोदी हुंदा सोआगत कीता। बड़ी मती ठंडु दे बावजूद खरी मती गिनतरी च भारती समुदाय दे लोक, श्री मोदी हुंदा सोआगत करने लेई ब्लेयर हाउस दे बाह किट्ठे होए दे हे। अमरीका रवाना होने कोला पैहले प्रधानमंत्री होरें आखेआ जे उंदा एह दौरा, दौनें मुख्यें बश्कार सांझ-भ्याली गी होर तगड़ा बनाने लेई बड़ा अहम साबत होग।

<><><><><><>

PM-Gabbard Meet

प्रधानमंत्री नरेन्द्र मोदी होरें अमरीका दी नमीं राष्ट्री खुफिया निदेशक तुलसी गबार्ड हुंदे कन्ने मलाटी करियै दौनें मुख्यें बश्कार सरबंघें दे बक्ख-बक्ख पैहलुएं पर चर्चा कीती। मोदी होरें तुलसी गबार्ड होरेंगी एह औहद्धा सांभने पर मुबारकबाद दिती। तुलसी गबार्ड होर सदा थमां भारत ते अमरीका दी दोस्ती दिआं हिमायती रेह्ी दिआं न। विदेश मंत्रालय दे प्रवक्ता रणधीर जयसवाल होरें सोशल मीडिया मंच एक्स पर लिखेआ जे प्रधानमंत्री मोदी हुंदी अज्ज वाशिंगटन डीसी च तुलसी गबार्ड हुंदे नै होई दी मलाटी बड़ी गै नतीजाकुन रेही ऐ।

<><><><><><>

Jatinder Interaction

केंद्री विज्ञान ते प्रौद्योगिकी राज्यमंत्री डॉ. जितेंद्र सिंह होरें नमीं दिल्ली च कश्मीर दे दूर-दराज दे इलाकें दे युवाएं कन्ने अनौपचारिक गल्लबात कीती। सरकार दे युवा आदान-प्रदान कार्यक्रम तैहत 125 कश्मीरी युवा मौजूदा समें च दिल्ली च न। सिंह होरें युवाएं कन्ने स्टार्ट अप ते उद्यमिता सने बक्ख-बक्ख विषें पर चर्चा कीती। उनें युवाएं गी आखेआ जे ओह मोबाइल फोन

दा सेई इस्तेमाल करन ते बक्ख-बक्ख सरकारी योजनाएं बारै जानने लेई इक संसाधन दे तौर पर इसी इस्तेमाल करन।

<><><><><><>

World Radio Day

अज्ज विश्व रेडियो दिवस ऐ। हर बरे 13 फरवरी गी लोकें गी रेडियो दे महत्व लेई जागरूक करने ते ओहदे राहें जानकारी लैने लेई प्रेरित करने आस्तै विश्व रेडियो दिवस मनाया जंदा ऐ। इस बरै विश्व रेडियो दिवस दा विषेसार ऐ रेडियो ते जलवायु परिवर्तन। विश्व रेडियो दिवस दे मौके पर अपने इक संदेश च यूनेस्को दियां महानिदेशक आंड्रे अजोले होरें आखेआ जे विश्व रेडियो दिवस टिकाऊ, बहुमुखी ते व्यापक रूपा कन्नै संसार दे हर इक कोने च पुज्ज रक्खने आहले संचार दे इस साधन गी मनाने दा इक्क मौका ऐ। तोआई, प्रसार भारती दे अध्यक्ष नवनीत कुमार सहगल होरें इस मौके पर अपने संदेश च आखेआ जे खबरें ते जानकारी गी पुजाइयै रेडियो दा देश दी सांस्कृतिक ते आर्थिक प्रगति च इक बड्डी भूमिका ऐ।

<><><><><><>

DC Poonch

पुंछ जिले च पानी दी किल्लत गी दूर करने दे मकसद कन्नै जिला विकास कमिशनर विकास कुंडल होरें कल पानी सरबन्धी बक्ख-बक्ख स्कीमें दी समीक्षा कीती। डी.सी होरें डिंगला ते चकनू पानी सप्लाई स्कीम दा मुआयना कीता। मकामी लोकें कन्नै गल्लबात कीती ते पानी सप्लाई सरबन्धी उंदिएं दिक्कतें-शकैतें गी सुनेआ। उनें सरबन्धित अधिकारिएं गी लोकें दिएं दिक्कतें दे

कारणों ते असल वजह दा पता लाने ते लोड़चदी कार्रवाई करने दा निर्देश दिता। उनें डिंगला ते चकत्रू दौनें स्कीमें गी 10एं दिने दे अंदर-अंदर चालू करने दा बी निर्देश दिता।

<><><><><><>

Ramban-SWD

समाज कल्याण विभाग रामबन आसेआ जिले च परोआरें ते बच्चें सने दिव्यांग लोकें गी बी सेवां उपलब्ध करोआs करदा ऐ। इस्सै मकसद कन्नै उत्थे महिलाएं दे सशक्तिकरण सरबंधी जिला हब योजना बी चलाई जा'रदी ऐ जेहदे तैहत दिव्यांग लोकें गी हर म्हीने 1 जहार रुपें दी पेंशन उपलब्ध करोआई जंदी ऐ। एहदे अलावा बी मैहकमे आसेआ दिव्यांग लोकें गी कृत्रिम अंग ते होर दुए उपकरण वगैरा उपलब्ध करोआए जा'रदे न। इस सरबंधे च स्हाड़े जिला संवाददाता कन्नै गल्लबात करदे होई इक लाभार्थी नै आखेआ

..... बाईट

<><><><><><>

ते हुन बाकि दिएं खबरें कन्नै जगमोहन शर्मा।

LG-Meeting

उपराज्यपाल मनोज सिन्हा होरें कल कश्मीर प्रांतै दी सुरक्षा स्थिति दा जायजा लैने लेई कल श्रीनगर च इक्क उच्ची सतह दी बैठक दी अध्यक्षता कीती। पुलस महानिदेशक नलिन प्रभात होरें उनेंगी घाटी दे मजूदा सुरक्षा हालात बारे जानकारी दिंदे होई प्रांतै च जिला, रेंज ते जोन सतह पर सुरक्षा चुनौतिएं कन्नै निब्बड़ने लेई करी रक्खे गेदे प्रबंधें दे बारे च तफसीली जानकारी दिती जिंदे च कन्नू बवस्था, आतंकवाद रोधी कारवाइयां, अल्पसंख्यकें दी सुरक्षा

नौजवानें गी आतंकवाद च शामिल करने लेई वरगलाने आहलें खलाफ कार्रवाई ते होर दुए तरीका ए कार शामिल हे। इस मौके कश्मीर दे पुलस महानिदेशक आई.जी.पी विधि कुमार बिरदी होरें उनेंगी जम्मू-कश्मीर पुलसै दे बक्ख-बक्ख सीगें दिएं उपलब्धिएं ते कम्म-कारवाइएं बारे जानकारी दिती। एल.जी होरें आखेआ जे प्रधानमंत्री नरेंद्र मोदी हुंदे नेतृत्व च जम्मू-कश्मीर रमानदारी, तरक्की ते खुशहाली दा इक नमा दौर दिक्खेआ ते कुसै बी चाल्ली दी चुनौती जां खतरे दा मकाबला करने लेई पुलसै दे सब्भनं सीगे ते होरनं सुरक्षा बलें गी आपूं च नेइमां तालमेल बनाइयै कम्म करना लोइचदा। उनें आखेआ जे आतंकवाद गी दना बर्दाश्त नेई करने आहला रों अपनाइए असंगी आतंकवाद दी पूरी ढांचे गी खत्म करना होग जिंदे च आतंकवादिएं दे मददगार बी शामिल न, जेइ आतंकी संगठनं कोला बाहर रेहियै उन्दे लेई कम्म करदे न।

<><><><><><>

Rana Outreach Camp

जलशक्ति, जंगलात ते पर्यावरण मैहकमे ते जनजातीय मैहकमें दे मंत्री जावेद अहमद राणा होरें कठुआ दे बरनोटी इलाके च आम लोकें तगर पुज्ज बनाने आहले इक कैप दा आयोजन करियै आम लोकें दे मसले सुने ते इलाके च विकास कम्मं दा बी जायजा लैता। इस मौके पर केई सारे डेलीगेशनं मंत्री हुंदे कन्नै मलाटी कीती ते अपने मसले उंदे अग्गे रक्खे। इंदे च कारोबारिं, करसानें, नौजवानें ते सामुदायिक प्रतिनिधिं दे डेलीगेशन शामिल हे। इस मौके उपपर कठुआ दे डिप्टी कमिशनर ते होर दुए बड्डे ऐहलकार बी उंदे कन्नै हे। अपने दौरे दुरान मंत्री होरें सांबा ते विजयपुर च बी लोकें कन्नै मलाटी कीती ते उंदिं समस्यां गी सुनेआ। उनें सरबंध्यत विभागें गी निर्देश दिता जे ओह सांबा ते विजयपुर दे मुकामी लोकें आसेआ पुट्टे गेदे

मसलें दा पैहल दी बिनाह् उप्पर नबेड़ा करोआन। मंत्री होरें लोकें दे जायज मसलें गी समेबद्ध
ढंगगें'नै हल करने दी सरकार दी वचनबद्धता गी पक्का कीता।

<><><><><><>

CM-MLA's Meet

बजट कोला पैहले विधायकें, जिला विकास काउंसल दे अध्यक्षें ते डिप्टी कमिशनरें कन्नै सलाह-
सुत्तर आहलें बैठकें दे मददेनजर मुखमंत्री ओमर अब्दुल्ला होरें 11एं विधायकें आहले जम्मू
जिले लेई इक पूरा ध्याड़ा मंजूर कीता ऐ। मुखमंत्री होर आमतौर उप्पर इक ध्याड़े दरान 2 शा
4 जिलें दे नुमाइंदें कन्नै गल्लबात करै करदे न। ओमर होर औंदी 16 तरीक गी जम्मू आहले
सिविल सैक्रेटेरिएट च जम्मू जिले दे विधायकें, डीडीसी अध्यक्षें ते डिप्टी कमिशनर हुंदे कन्नै
गल्लबात करडन। उ'आं, विधायक, डीडीसी अध्यक्ष अपने सरबंधत डीसी दफ्तरै थमां वीडियो
कांफ्रेंस दे राहें बी बैठका च हिस्सा लेई सकदे न। मुखमंत्री होर अज्ज शोपियां ते कुपवाड़ा
जिले दे नुमाइंदें कन्नै मलाटी करडन जेहदे परैन्त कल 14 फरवरी गी पुंछ ते रजौरी जिलें ते
फही 15 फरवरी गी डोडा ते किश्तवाड़ जिलें दे नुमाइंदें कन्नै सलाह-सुत्तर करडन।

<><><><><><>